

DURNYAN KIKE BE KEYILI KPRA TA LANƁ DIMEDI KIKE BE KUMU SO BE ASHEN N MOBE KASHINTEƁ AKPA

ASHENƁESO

Kepin nɛ kemaƙura, dimedi be eyilikpa nɛ mobe kumu so be ashen e la mobe kashintenɛ nɛ eyur-wushi be egbel-tulwase.

Kedɔ nɛ kekplanɛ dimedi be kashintenɛ ere so e naa bra barkɔnɛ, a duu mƙɛra lubi dimedi be kumu to, n nan shi nɛ durnyan to dimedi bu kebaa malga yelyela, ebɔreshun, kayenɛi-yenɛi nɛ kanye kii ashen kpakpa so bebolpo kuto.

Ku daga fane awura-shen be mbra ka bee kunɛ dimedi be kashintenɛ n sa maa shi nɛ eko maa kini mo barkasa nko a nyan mo.

A daga ketenɛi efuli-ana be kakurwe kelepo so.

Yunatɛd Neshin be baasa sa yerda kawol to ta a lanɛ baasa be kashintenɛ-kpra nɛ bumode eyilikpa nɛ bu tinɛi teɛi bumobe kachena nɛ kebawɔto lela be akpa so.

Efuli-ana nɛ a wɔ kɔnɔkoɲwole ere to bɔ ntaɛ fane banɛ pɛ abar be nsher to n nya bunyan nɛ kemaƙur kashintenɛ ere to.

Ekama be kepin kashintenɛ nɛ kumu so be ashen ere e la demu kpra nɛ ku beenɛ che to n teɛi ntaɛ ere so. Naniere, kumo so.

Durnyan kike be nsher gbonɛ nna yili dimedi kike be kumu so be ashen nɛ kashintenɛ ere.

Amuso, Kamalga ere to

BEE DINI FANE "GENERAL ASSEMBLY" BEE

Kanɛ ekama fane kayili nɛ kuwɔ kawol ere to la amo nɛ a beenɛ wɔɔ anfaani nsa ekama mo nɛ ewɔ efuli nna so. Ekama nta n-ya mata durinya kike be mmalga yiliso so. Adaga efuli kike eshuli n sa kamalga mo nɛ kuwɔ kawal ere to nta kumo nki kapate nsa anye. Nsa nɛ kamalga ere eluri efuli kike nene: epenɛi petekpa, epenɛi-tɔrkpa, banaso, jisaso kuso nɛ adaga anye kike ewurɔ nna ela.

Demu 1

Bu kurwe dimedi kike mobe kumu so, nɛ mobe, eyilikpa, keshen nɛ kashintenɛ manɛ kɔr eko peye to. Nyinpela sa dimedi kike lakal nɛ mƙɛra fane bu chena abarso kelepo so.

Demu 2

Ekama kɔ ekpa ta a lanɛ kashintenɛ ere kike nɛ kumu so be ashen nɛ a wɔ keyili kpra ere to nɛ nkpieto kike manɛ wɔto ashi yiri, kawol be ndu li, kenyan/keche, ngbar, ebɔre shun, kumu be kekeni nko lakal ko, efuli so nko kebawɔto be ekpa so, kapite, kakurwe nko eyilikpa ko be kabaso.

N nan tii so, nkpieto kike e sa manɛ wɔto ta a yɔ kumu be kekeni to, demu-ji to, nko efuli nɛ fo shi be eyilikpa durnyan to nɛ lonɛ be efuli nna suwe kumo kumu a keni kumo kumu so, nko efuli ko e naa keni kumu so ekpa ko so.

Demu 3

Ekama kɔ kashinteenɛ nɛ mobe efute nɛ mobe kumu be kekunɛ.

Demu 4

A manɛ daga nɛ eko e baa wɔ kenyanɛ nko kanyanɛ to. Kenyaya, kenya-tɔ nɛ kenya-fa be ekpa kama so daga ku ju.

Demu 5

A manɛ daga bu ka nyanɛ eko nko n wɔto mo ebasa to, nko n gberge mo kusoe.

Demu 6

Ekama kɔ kashintenɛ, kaple-kama nɛ e wɔ nɛ bu pin fane esa e la mo mbra be ekpa so.

Demu 7

Ekama na la kukonɲwule nna mbra be ekpa so, a daga nɛ mbra na e kunɛ ekama nɛ nkpieto manɛ wɔto.

Demu 8

Ekama kɔ kashintenɛ nɛ bu yolge mo ashi efuli na be demu-ji akpa nɛ e ya dɔ kashintenɛ kpra nɛ mbra yili mo nna so.

Demu 9

Ekama manɛ daga nɛ bu pɛ mo jiga-jiga so, nko nɛ bu tii mo ebu nko n ju mo jiga-jiga so.

Demu 10

Ekama kɔ ekpa nɛ edemu-ji kpa nɛ a wɔ amobe amu so, a maa kpie to na nɛ a mige mo to nene nɛ jama kike e nu ta a lanɛ mobe kashintenɛ, ashen daga so nɛ kusoe gberge nɛ banɛ sa mo.

Demu 11

Ekama nɛ bu fa fo, fo kɔ kashintɛŋ nɛ fo keni kefa nna, amɔ bu ji na mbri fo mbra be ekpa so jima to nɛ fo maŋ tiŋ che fo kɔnɔ.

A maŋ daga nɛ bu fa ekama nkpal keshɛŋ nɛ ku maŋ daga kusoe gberge so ashi efuli na nko efuli-ana kike be mbra so, saŋɛ nɛ e wɔrɔ la be keshɛŋ na. A maŋ naŋ daga nɛ bu gberge esa kusoe nɛ ku baa chɔ kumo nɛ bu junkpar n sa mo saŋɛ nɛ e wɔrɔ loŋ be keshɛŋ nna.

Demu 12

A maŋ daga nɛ fo luri fo barkasa be asheŋ to jigajigaso, mo dawule, mobe keyale nko mobe kebɔaya akpa, nko nɛ fo tige fo barkasa be jilma nɛ mobe eyilikpa so. Ekama kɔ kashintɛŋ nɛ mbra na e kuŋ mo ashi baasa be kebaa luri mobe asheŋ to nɛ ketige nko nduwɛ mobe jilma so.

Demu 13

Ekama kɔ kashintɛŋ nɛ e baa nite mobe kumu so yelyɛla n naŋ tiŋ chena mobe efuli so.

Ekama kɔ kashintɛŋ nɛ e ler efuli kike so, nɛ mobe efuli so gba n naŋ tiŋ m beta m ba mobe efuli so.

Demu 14

Ekama kɔ kashintɛŋ nɛ e yɔ efuli ko so n ya mɔlwe mobe kumu.

Nɛ bu fa esa kumobe ekpa so nkpal ashuŋ lubi nɛ e maa liɛ efuli na be kumu be kekeni be ekpaso nko asheŋ nɛ a bee dɔɔ kɔnɔkoŋwule be mbra na so, le be kashintɛŋ maŋ wɔtɔ.

Demu 15

Ekama kɔ kashintɛŋ nɛ e shi efuli ko so.

A maŋ daga kekini eko mobe efuli so be keshi jiga-jiga nko n kini mobe kechɛrga efuli nɛ e shi na so.

Demu 16

Benyɛn nɛ beche ya bulɔ, bu kɔ kashintɛŋ nɛ bu kil n taŋɛ kanaŋ nɛ sheŋ maa kuŋ bumo fane yiri, efuli nɛ bu shi na so, nko kananɛ baa bunyaŋ ebɔrɛ. Bu kɔ kashintɛŋ koŋwule ashi kakil to nɛ kakil gbeŋi so to.

Pɔɛ nɛ baasa e kil abar, a daga nɛ bumo-wura-ana be kenyi kike e baa wɔ kakil na to.

Kanaŋ la ebɔrɛ so be keshɛŋ na n naa la baasa to be katuŋ junkpar po nɛ a daga nɛ jamaa nɛ efuli kike e baa kuŋ kumo.

Demu 17

Ekama kɔ kashintɛŋ nɛ e baa kɔ mobe kumu so be kapitɛ nko mo nɛ mo bra-ana.

A maŋ daga kepuni nko m mɔn eko mobe kapitɛ.

Demu 18

Ekama kɔ mobe kumu so be mfera be kashintɛŋ, lakal nɛ kananɛ e bee bunyaŋ ebɔrɛ. La be kashintɛŋ tii mobe kechɛrga kananɛ e bee bunyaŋ ebɔrɛ nko mobe yerda, nɛ mobe kumu so be keshuŋ ebɔrɛ-shuŋ mo nawule nko mo nɛ mo bra-ana.

Demu 19

Ekama kɔ mobe mfera nɛ kamalga be kashintɛŋ. La be kashintɛŋ tii kumu so be mfera be kefe nɛ sheŋ maa kuŋ mo, e naa kɔ mobe kashintɛŋ nɛ e fin, n nya nko n sa kebɔaya nɛ lakal ekpa kike so nɛ mbarga kike maŋ wɔtɔ.

Demu 20

Ekama kɔ mobe kashintɛŋ nɛ e ba wɔ kagbenewushi be nsher to.

Bu maa nyaŋ eko a wɔtɔ nsher ko to.

Demu 21

Ekama kɔ kashintɛŋ nɛ e baa wɔ efuli so be awura-sheŋ to mo gbagba nko nɛ bu lara ba sa yelyɛla so nɛ bu yili bumo be ntilemu.

Ekama kɔ kashintɛŋ nɛ eji mobe efuli so be kusɔnɛ ku la ekama peye be tunɔ kananɛ eko gba beɛŋ ji kumobe tunɔ nna.

Baasa be aparshɛŋ a daga a ka la awura-sheŋ be egbel tulwase la be aparshɛŋ daga nɛ a shi saŋɛ saŋɛ be kɔnkɔŋ be kele kashintɛŋ be ekpa so n naa la ekama be keshɛŋ nɛ baa lɛ kɔnkɔŋ nna kegblanto nko kumo nɛ ku be kɔnkɔŋ be kele be mbra so.

Demu 22

Fo kama nɛ fo wɔ baasa to, fo kɔ kashintɛŋ nɛ baasa e kuŋ fo, a daga nɛ fobe efuli so nɛ efuli-ana kike ka pɛ abar be kasher to, efuli-ana be keblase to nɛ amobe kapitɛ be albarka to nɛ fo nya eyilikpa nɛ naŋkur nɛ ku daga fo dimedi nɛ dankare be ekpa so.

Demu 23

Ekama kɔ kashintɛn nɛ e shuŋ kushuŋ, nɛ e fin mobe kumuso be kepar ke Kushuŋ n naŋ shuŋ kushuŋ mbra be ekpa so n naŋ kuŋ mobe kumu ashi ketase fulon to.

Ekama kɔ kashintɛn nɛ bu ka mo kakɔka kɔŋwule nɛ kushuŋ kɔŋwule nɛ nkpieto kike maŋ wɔɔ.

Ekama kɔ kashintɛn nɛ e ji mobe kushuŋ be tunɔ, mo nawule nko mo nɛ mobe keyale nɛ e naa wɔ kebawɔɔ nɛ ku daga dimedi, n naŋ fin kecheto ko nɛ ku daga ashi baasa kuto.

Ekama kɔ kashintɛn nɛ e baa wɔ beshumpo be kɔnɔkɔŋwule to nɛ bu baa kuŋ mobe aparshɛn.

Demu 24

Ekama kɔ kashintɛn nɛ e wushi ashi mobe kushuŋ akpa nɛ mobe ketase fulon to, kushuŋ na be jemanɛ e sa maŋ pɔɔ eshumpo na so nɛ e naŋ nu ebel ashi saŋɛ saŋɛ be ewushi nɛ ku kɔ kakɔka.

Demu 25

Ekama kɔ kashintɛn nɛ e ba wɔ kebawɔɔ lɛla to, mo nɛ mobe keyale, ta alaŋɛ eyur be alemfia, ajibi-ji so, asɔ-buuso, kowu chena so to nɛ kusɔ kama nɛ ku la jamaa peyɛ, e naa kɔ kashintɛn nɛ e kuŋ mobe kumu saŋɛ nɛ e maŋ naa wɔ kushuŋ to, nɛ e ka wɔ kulɔ to, nɛ kekulwu to, nɛ kenimu to nko kebawɔɔ ko nɛ ku maŋ duli mo.

Kenio to nɛ kebia to, kike daga kekeni so nɛnɛ n naŋ daga keche to. Mbia nɛ bu kurwe kakil to nko kejipo to daga kakun kɔŋwule.

Demu 26

Ekama kɔ kashintɛn nɛ e nya kebala nɛ kabii. Kebala nɛ kabii daga nɛ bekekarso na e nya kumo yelyelya. Kebala nɛ kabii kekarso beɛn ba la boshinɛ. A daga ekama ka nya enɔ to nɛ broni be ashuŋ be kebala nɛ kabii; benimu malɛ be kebala nɛ kabii malɛ daga nɛ ku be kenyi so.

Kebala nɛ kabii beɛn liɛ dimedi be eyur kudu-anyɔ kike, n naŋ wɔɔ elɛn to, jilma ta a laŋɛ dimedi be kashintɛn nɛ mobe kumu so be ashen kpra ere. Ku beɛn tɛŋi kenu-n-sa-abar so, kanyiti nɛ kenakpa efuli-anan to, yiri nko ebɔrɛ be beshumpo be ntunso-ana to, n naŋ tɛŋi. Durnyan be efuliana be kɔnɔkɔŋwule be kebawɔɔ kike nɛ kaŋbene wushi e baa wɔɔ.

Benawura-ana kɔ kashintɛn nɛ ekpa nɛ bu lara kebala nɛ kabii be ekpa nɛ ku daga bumobe mbia.

Demu 27

Ekama kɔ kashintɛn mobe kumu so nɛ e tin wɔɔ mobe baasa be adankarshɛn n naŋ tin ji adankare be asɔ lonɛ so nɛ kabre be kache be kinishi buwi be kenyi be tunɔ.

Ekama kɔ kashintɛn nɛ ekpa nɛ e kuŋ mobe kumu so nɛ kebelɛn be kushuŋ.

Demu 28

A daga nɛ ekama e nya dimedi nɛ efuli-ana kike be kebawɔɔ, nɛ kashintɛn nɛ kumu so be ashen nɛ a wɔ keyili kpra ere to e kurwe ebi lɛla.

Demu 29

Ekama kɔ mobe kushuŋ baasa to, bumo to nɛ e bee kii esa lɛla.

Nɛ esa bee bo mobe kashintɛn nɛ kumu so be ashen so a daga nɛ e baa de mbra so, saŋɛ na so e maŋ tɔr mo barkasa ko be geshi to, lon e beɛn wɔɔ kusɔnɛ ku daga nɛ ashen e be abar so nɛnɛ nɛ yɛ-nɛ-n-yɛ be kebawɔɔ e nya edesekpa baasa to.

Kashintɛn nɛ kumu so be ashen ere maŋ daga ku wɔɔ amo m foe ekpa kananɛ durnyan be efuli-ana be kɔnɔkɔŋwule yili kumo nna.

Demu 30

Shɛn maŋ wɔ kawol ere to a ŋini fanɛ efuli ko pkelɛn, baasa nko esa ko dawule peyɛ nna, amoso eko maŋ kɔ ekpa nɛ e wɔɔ keshen ko nɛ ku beɛn jija kashintɛn nɛ kumu so be ashen nɛ a wɔ kawol ere to.